

KURBAN BAJRAM PETAK 1. SEPTEMBAR 2017. GODINE

Bajram namaz ćemo klanjati u **8:00 sati** ako Bog da
Sabah namaz u 6:00 AM.

BILTEN

August 2017.

Zul-hidždže 1438

Naš bosanski jezik i naša vjera su naš moral

Vjerska islamska svijest i bosanski jezik su čvrsti i bitni temelji za očuvanje naše omladine, te budućnosti naše zajednice. Sa islamom i bosanskim jezikom odgajamo kako našu djecu tako i osiguravamo stabilniju budućnost naše zajednice. Misija Bošnjačkog islamskog centra Hamilton se pored ostalog zasniva i na očuvanju naše mladosti putem upoznavanja sa islamom, bošnjačkom tradicijom, historijom, kulturom i jezikom. Mekteb i Škola bosanskog jezika su bili i ostat će ogledalo naše zajednice ali i svijesti i našeg odnosa naspram naše vjere, nacije, države, historije, tradicije i kulture. Mi ćemo se truditi da očuvamo povjerenje roditelja, koji su već uz mekteb i Školu bosanskog jezika, kao i

da stekemo povjerenje novih roditelja, a time i nove učenike.



Zato, ne ustručavajte se da nam se obratite sa prijedlozima, kritikama, komentarima. Ovo je vaš mekteb i vaša Škola bosanskog jezika, jer bez vas mekteb i Škola bosanskog jezika gube svaki smisao. Budite dio mekteba i Škole bosanskog jezika – budite dio naše zajednice.

Ovom prilikom vas pozivamo da upišete svoje dijete u Mekteb i Školu bosanskog jezika u 2017.-2018. školskoj godini. Upis će se izvršiti u nedjelju 10. septembra 2017. godine u periodu od 11:30 do 2: 00 p.m. u prostorijama Bošnjačkog islamskog centra Hamilton.

Čuvajte svoju vjeru i svoj jezik iznad svega. Naš jezik i naša vjera su naš moral. Upišite svoju djecu u mekteb i Školu bosanskog jezika i tako ih spasite od mogućeg lutanja.

Sretno i mnogo uspijeha u novoj školskoj godini!

**Vaš Bošnjački
Islamski Centar
Hamilton**

**KURBAN BAJRAM
PETAK 1.
SEPTEMBAR**

**UPIS U MEKTEB I
ŠKOLU
BOSANSKOG JEZIKA
NEDJELJA 10.
SEPTEMBAR**

**BAJRAMSKO SIJELO
SUBOTA 16.
SEPTEMBAR 2017.**

Bajramsko sijelo

Bošnjački islamski centar Hamilton organizuje tradicionalno bajramsko sijelo u subotu **16. 09. 2017 sa početkom u 7 sahata**

poslije podne u Armenijskoj Sali na 191 Barton Street, Stoney Creek (preko puta naše džamije).

Uz odličan sastav **Žute Dunje** i bogatu bajramsku večeru dođite i povedite što više vaših prijatelje na ovo lijepo bajramsko druženje. **Bujrum, svi ste pozvani!**

Važna informacija

Na prošlom Ramazanskom Bajramu informisali smo članove naše zajednice o važnoj akciji umrežavanja svih Bošnjaka. Molimo sve članove naše zajednice da se uključe u ovu akciju. Dovoljno je da samo dođete u džamiju i ispunite obrazac koji se može dobiti u ofisu imama. U teškim vremenima u kojima se nalazi naš narod i naša domovina uvezivanje Bošnjaka je vjerska i nacionalna dužnost. Sve informacije možete dobiti u našoj džamiji ili nas nazovite na **(905) 662-3678**

www.bichamilton.com

Obogatimo našu novu džamiju našim dolaskom i novim aktivnostima

Poštovana braćo i sestre u vjeri, dragi Bošnjaci i Bošnjakinje, cijenjene džematlije. Sada kada imamo novu džamiju imamo i priliku da razvijemo funkcije džamije. U to ime pozivamo našu omladinu i studente da koriste našu džamiju za svoje aktivnosti i druženja. Pozivamo naše hanume da koristeći novu džamiju još više razvijaju svoje aktivnosti i druženja. Pozivamo intelektualce, poslovne ljude i druge lidere da služe svojoj zajednici, da u novoj džamiji pokažu svoje intelektualne i druge sposobnosti kako članovima naše zajednice tako i komšijama i široj zajednici. Jer mi moramo oživjeti našu džamiju sa raznolikim vjerskim, nacionalnim, kulturnim i drugim aktivnostima i sadržajima jer ćemo time ustvari oživjeti još više naša srca i prodrmati ih iz sna da se probude. Mi smo izgradili džamiju da bude mjesto susreta vjernika, omladine, žena, mjesto gdje će se razmjenjivati ideje i jačati naša zajednica.

KURBAN

● Upitan je Poslanik s.a.v.s. za kurban, pa je rekao: "**Kurban je sunnet vašeg oca Ibrahima a.s.**" A šta mi imamo od kurbana Poslaniče? "**Za svaku dlaku od kurbana upisat će vam se jedno dobro-haseneh**" odgovorio je Muhammed a.s.

Kurban možete uplatiti u našem mesdžidu.

Bajramska čestitka

Bošnjački islamski centar Hamilton svim svojim članovima i svim muslimanima čestita predstojeće dane Kurban Bajrama uz želje da ga dočekate, svečano, obilježite i ispratite, u sreći, zdravlju, rahatluku, duhovnom uzdizanju i međusobnom druženju i veselju. Svim našim hadžijama koji ovih dana hodočaste sveta mjesta islama u Meki i Medini želimo da ovu islamsku dužnost obave časno i da se sa ovog časnog puta sretno vrate, duhovno jaki i u vjeri

nepokolebljivi. Upućujemo dovu Svemogućem Tvorcu da u ovim blagoslovljenim danima svim



Bajram Šerif Mubarek Olsun

muslimanima u svijetu podari više jedinstva i saradnje, mudrosti i

razuma, pravde i slobode, mira i sreće, napretka i blagostanja.

Molimo Ga da čitavom

čovječanstvu, bez obzira na razlike u vjeri i rasi, podari više tolerancije, međusobnog razumjevanja, pomaganja u dobru i izgradnji trajnog mira. Izražavamo želju i nadu da će period koji je pred nama biti vrijeme razuma i dijaloga među civilizacijama, a ne vrijeme sukoba među

njima.

Bajram šerif mubarek olsun!